



**PORTAVÓS**  
VI GOVERN  
KONSTITUSIONÁL



**KOMUNIKADU  
BA MEDIA**

Díli, Loron 26 fulan-agostu tinan 2016

**Governu hato'o nia solidariedade ba Itália**

Lori povu Timor-Leste nia naran, Governu hato'o kondolénsia ba família no belun sira husi vítima rai-nakdoko nian ne'ebé akontese iha rejiaun sentrál Itália, iha loron-kuarta. Governu hato'o nia solidariedade ba Governu Primeiru-Ministru Matteo Renzi nian no povu Itália, ne'ebé sofre konsekuénsia husi dezastre ne'e.

Rai-nakdoko ne'e halakon ema nia moris no ekipa salvamentu nian sira kontinua buka vítima sira ne'ebé sei moris hela. Sidade oin-oin iha rejiaun Lásiu no Markas (Marche, iha lia-italianu nian) rahun mós iha parte balun tanba rai-nakdoko ne'e.

Governu Timor-Leste nian hahii ba serbisu autoridade sira nian ne'ebé maka haka'as an atu buka tuir no atu salva, iha kondisaun ne'ebé susar tebes-tebes.

Portavós Governu Konstitusionál VI nian, Ministru Estadu Agio Pereira, hateten katak "ami hatene tuir saida mak akontese daudaun iha Itália. Ami hato'o ami-nia sentimentu ba família sira ne'ebé lakon sira-nia ema hirak ne'ebé sira hadomi no ami hato'o ami-nia saudasaun ba sira ne'ebé maka nafatin buka tuir vítima sira ne'ebé sei moris hela. Timor-Leste solidáriu ho Primeiru-Ministru Matteo Renzi, Governu no povu Itália nian, iha loron difísil hirak ne'e no ba dezafiu sira ne'ebé sei to'o mai iha semana no fulan hirak oin-mai ne'e." **REMATA**



**Agio Pereira**  
+670 7723 0011  
[agio.pereira@cdm.gov.tl](mailto:agio.pereira@cdm.gov.tl)  
[govtlmedia@gmail.com](mailto:govtlmedia@gmail.com)  
[www.timor-leste.gov.tl](http://www.timor-leste.gov.tl)